



**AHAL DU LASARTE-ORIA PUEDE UDAL TALDEA
GRUPO MUNICIPAL AHAL DU LASARTE-ORIA PUEDE**

LASARTE-ORIAKO UDALBATZARI

ENERGIA AURREZTEARI ETA ENERGIA-EFIZIENTZIARI BURUZKO MOZIO INSTITUZIONALA

Gaur egun, gizarte garen aldetik, aurre egin behar diogun erronka nagusietako bat klima-aldaketa da. Erronka horri aurre egiteko gure gaitasunaren arabera izango da; hein handi batean, etorkizuneko gure bizimodua. Ildo beretik, euskal gizarteak gai horrekiko agertu duen kezka maximo historikoetara iritsi dela nabarmendu behar da. Energiari eta klima-aldaketari buruz herritarrek duten pertzepzioa aztertzeke Euskadin egin den lehen azterlanaren emaitzen arabera, gizartearen % 88k onartzen du mehatxu horren aurka borrokatzeke energia-kontsumoa murriztu egin beharko dela, eta % 95ek energia berriztagarriak gehiago garatzearen alde egiten du.

Bestalde, esan gabe doa lotura estua dagoela energia-ekoizpenaren eta berotegi efektuko gasen emisioaren artean eta, gas horiek,aldi berean, klima-aldaketaren eraginak eta ondorioak areagotzen laguntzen dutela. Horregatik, "energiarik onena kontsumitzen ez dena" dioen esamoldea euskal energia-politika berriaren zutabetzat hartu behar dugu eta, zergatik ez, baita gure ekonomia antolatzeke beste modu baten oinarritzat ere: bizi garen eta lan egiten dugun eraikinak, gure herri eta hirietan nola mugitzen garen eta abar.

Pixkana-pixkanaka, energia xahutzeko eredu jasangaitz hau baztertu eta agertoki berri baterantz jo behar dugu: energiari kontsumitzen ez duten eraikinak, oinezko eta bizikletentzako soilik diren kaleak, partekatutako ibilgailu elektrikoak. Baina helmuga horretara iristeko epe labur, ertain eta luzerako plangintza egin beharra dago.

Ezinbesteko iragaitz horretan, zailtasun nagusietako bat zera izango da, elite politiko eta ekonomikoek aldaketen aurrean agertzen duten erresistentzia. Izan ere, azken urteotan ikusi dugu nazioarteko goi-bileretan klima-aldaketari buruz hartutako erabakiak (Paris, Marrakech, Bonn) ezerezean geratu direla Estatuak ez dutelako konpromisorik hartzen eta oso mantso jokatzen dutelako erabaki horiek benetako legeetara eramateko garaian. Horregatik, bizkorrena eta eraginkorrena tokiko eta autonomia-erkidegoko administrazioak inplikatzeko hastea izango da. Horregatik guztiagatik, honako mozio hau aurkeztu dugu:

1. Energia aurrezteke eta energia-efizientzia bultzatzeke udalerriko sektore guztietan (industria, garraloea, eraikuntza, zerbitzuak...), kontsumoa murriztuta, iturri berriztagarrietatik datorren energia baliatuta eta autokontsumoaren bitartez.

2. Azterketa xehatua egitea udal-instalazioen (eraikinak, ibilgailuen parkea eta argiteria publikoaren sarea) benetako egoera zein den eta hobetzeko zenbateko potentziala duten jakiteko energia aurrezteari eta energia-efizientziari dagokienez.

3. Udal-eremuan jarduteko plana garatzea; diagnostiko zehaztu batabiapuntu hartuta, urte anitzetarako estrategia bat proposatuko duen plana, neurri zehatzekin eta egin beharreko inbertsioen finantzaketa-plan batekin batera, betiere Euskadiko Energia Estrategian ezarritako energia-efizientziaren arloko konpromisoak betetze aldera.


4. Energia aurrezteko eta energia-efizientziako inbertsioei lehentasuna ematea, epe labur eta ertainean energia-horniduraren gastu publikoa nabarmen murrizteko potentzial oso handia dutelako, inbertsio horiek oso bizkor amortizatzen direnez.

5. Energia aurrezteko eta energia-efizientziako udal-jarduketak finantzatzeko funts bat abiaraz dezaten eskatzea Eusko Jaurlaritzari eta Foru Aldundiari.

6. Urtean behin kanpainak egitea herritarrak konturazteko energia-baliabideak eskasak eta mugatuak direla.

Lasarte-Orian, 2018ko apirilaren 5an

Izenpetzailea: Arkaitz Naya



Ahal Du Lasarte-Oria Puede-ko bozeramailea